



საჯარო სამართლის იურიდიული პირი –
განათლების ხარისხის განვითარების
ეროვნული ცენტრის დირექტორის
ბრძანება



MES 4 21 0000895031



10/09/2021

**ჰუმანიტარული მეცნიერებების სწავლის სფეროებისათვის სსიპ - განათლების ხარისხის
განვითარების ეროვნული ცენტრის უმაღლესი საგანმანათლებლო
პროგრამების აკრედიტაციის ექსპერტთა შერჩევის მიზნით
კონკურსის გამოცხადების შესახებ**

საქართველოს განათლებისა და მეცნიერების მინისტრის 2010 წლის 14 სექტემბრის №89/ნ ბრძანებით დამტკიცებული „საჯარო სამართლის იურიდიული პირის - განათლების ხარისხის განვითარების ეროვნული ცენტრის დებულების“ მე-5 მუხლის პირველი პუნქტის „კ“ და „ნ“ ქვეპუნქტების, სსიპ- განათლების ხარისხის განვითარების ეროვნული ცენტრის (შემდგომში - ცენტრი) დირექტორის 2018 წლის 06 მარტის №170 ბრძანებით დამტკიცებული „ავტორიზაციისა და აკრედიტაციის ექსპერტთა შერჩევის, საქმიანობისა და ექსპერტთა კორპუსის წევრობის შეწყვეტის წესის“ მე-4 მუხლის საფუძველზე, ცენტრის დირექტორის მოადგილის 2021 წლის 30 აგვისტოს №835315 და 07 სექტემბრის №874499 სამ სახურებრივი ბარათების გათვალისწინებით,

ვბრძანებ:

1. სსიპ - განათლების ხარისხის განვითარების ეროვნული ცენტრის (შემდგომში - ცენტრი) უმაღლესი საგანმანათლებლო პროგრამების აკრედიტაციის ექსპერტთა (შემდგომში - ექსპერტი) შერჩევის მიზნით გამოცხადდეს კონკურსი ჰუმანიტარული მეცნიერებების სწავლის სფეროებისათვის;
3. ჰუმანიტარული მეცნიერებების (ენების გარეშე) ვიწრო სფეროს, ენების და ხელოვნების ჰუმანიტარული მეცნიერებების ინტერდისციპლინური ვიწრო სფეროების უმაღლესი საგანმანათლებლო პროგრამების აკრედიტაციის ექსპერტთა შერჩევა მოხდეს შემდეგ დეტალურ სფეროებში:
 - ა) 0221 რელიგია და თეოლოგია;
 - ბ) 0222 ისტორია და არქეოლოგია;
 - გ) 0223 ფილოსოფია და ეთიკა;
 - დ) 0231 ენის დაუფლება;
 - ე) 0232 ლიტერატურა და ლინგვისტიკა;
 - ვ) 0239 ენები - არაკლასიფიცირებული;
 - ზ) 0288 ინტერდისციპლინური – მოიცავს ხელოვნებასა და ჰუმანიტარულ მეცნიერებებს;

თ) ქართულ ენაში მომზადების საგანმანათლებლო პროგრამა.

3. საჯარო სამსახურის ბიუროს მიერ ადმინისტრირებულ ვებგვერდზე - (www.hr.gov.ge) კონკურსში მონაწილეობისთვის განაცხადის წარდგენის ვადა განისაზღვროს 2021 წლის 13 სექტემბრიდან 2021 წლის 11 ოქტომბრის ჩათვლით.

4. კონკურსში მონაწილე კანდიდატის მიმართ წაყენებული საკვალიფიკაციო მოთხოვნებია:

4.1. დოქტორის ან მასთან გათანაბრებული აკადემიური ხარისხი, ან დოქტორანტი, რომელსაც აქვს საგანმანათლებლო დაწესებულებაში სწავლების ან/და სამეცნიერო კვლევის გამოცდილება;

4.2. დარგის სპეციფიკიდან გამომდინარე, აკრედიტაციის ექსპერტს შეიძლება ჰქონდეს მაგისტრის ან მასთან გათანაბრებული აკადემიური ხარისხი და შესაბამის სფეროში მუშაობის 3-წლიანი გამოცდილება;

4.3. საგანმანათლებლო პროგრამის შემუშავებაში, განხორციელებასა და განვითარების პროცესში მონაწილეობის გამოცდილება;

4.4. „ევროპის უმაღლესი განათლების სივრცეში ხარისხის უზრუნველყოფის სტანდარტების და სახელმძღვანელო პრინციპების (ESG)“ 2015 წლის დოკუმენტის ცოდნა, ბოლონის პროცესის შესახებ ზოგადი ცოდნა და განათლების სფეროსთან დაკავშირებული შემდეგი სამართლებრივი აქტების ცოდნა:

ა) „უმაღლესი განათლების შესახებ“ საქართველოს კანონი;

ბ) „განათლების ხარისხის განვითარების შესახებ“ საქართველოს კანონი;

გ) „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანება;

დ) „ზოგადსაგანმანათლებლო დაწესებულებებისა და უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანება;

ე) „ეროვნული კვალიფიკაციების ჩარჩოსა და სწავლის სფეროების კლასიფიკატორის დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2019 წლის 10 აპრილის №69/ნ ბრძანება;

ვ) შესაბამისი სფეროს დარგობრივი მახასიათებლები.

4.5. კომპიუტერული უნარების ქონა;

4.6. შემდეგი უნარების ქონა:

ა) გუნდური მუშაობისა და ეფექტური კომუნიკაციის უნარი;

ბ) მონაცემების შეგროვების, ანალიზისა და არგუმენტირებული მსჯელობის უნარი;

გ) სტრესულ გარემოსა და შემჭიდროებულ ვადებში მუშაობის უნარი;

დ) პასუხისმგებლობა და დამოკიდებულება შესასრულებელი სამუშაოს მიმართ;

ე) პრეზენტაბელურობა;

ვ) ქართულ ენაზე გამართული წერითი და მეტყველების, ლოგიკური და არგუმენტირებული მსჯელობის უნარი;

ზ) სასურველია ინგლისური ენის B2 დონეზე ლოგიკური და არგუმენტირებული მსჯელობის უნარი.

5. ექსპერტთა ჯგუფის თითოეული წევრის ფუნქციაა შესაბამისი საგანმანათლებლო პროგრამის აკრედიტაციის სტანდარტებთან შესაბამისობის დადგენის მიზნით:

ა) საგანმანათლებლო პროგრამის შეფასების პირველ ეტაპზე, შეისწავლოს დაწესებულების მიერ წარმოდგენილი დოკუმენტაცია; აგრეთვე, მონიტორინგის ფარგლებში დასადგენი საკითხების შემოწმების მიზნით, გაეცნოს შესაბამის მასალებს და დოკუმენტაციას;

ბ) დოკუმენტაციის შესწავლის საფუძველზე, თითოეულ სტანდარტთან მიმართებით, სტანდარტების რუკის ფორმატში, ჩამოაყალიბოს შენიშვნები, მოსაზრებები და კითხვები, რომელთა გარკვევაც სურს ვიზიტის ფარგლებში და შევსებული სტანდარტების რუკა შეთანხმებულ ვადებში გაუგზავნოს ექსპერტთა ჯგუფის თავმჯდომარეს;

გ) შესწავლილი დოკუმენტაციის განხილვის მიზნით მონაწილეობა მიიღოს ვიზიტამდე დაგეგმილ ექსპერტთა ჯგუფის შეხვედრაში;

დ) ვიზიტის განხორციელების შემთხვევაში მონაწილეობა მიიღოს ვიზიტის დღის წესრიგის შედგენაში;

ე) ვიზიტის განხორციელების შემთხვევაში, წინასწარ შეთანხმებული დღის წესრიგის მიხედვით, შეისწავლოს ყველა საკითხი დასკვნის შესადგენად, მათ შორის, ჩაატაროს დაინტერესებულ პირებთან ინტერვიუება, საჭიროების შემთხვევაში, გამოითხოვოს დამატებითი დოკუმენტაცია, მოახდინოს ვიზუალური დათვალიერება და განახორციელოს დღის წესრიგით გათვალისწინებული აქტივობები; მოახდინოს თვითშეფასების ანგარიშში ასახული ინფორმაციის შესაბამისობის გადამოწმება დაწესებულებაში რეალურად არსებულ მდგომარეობასთან და აკრედიტაციის სტანდარტებთან მიმართებით;

ვ) ვიზიტის/დოკუმენტაციის შესწავლის შემდგომ მონაწილეობა მიიღოს შეფასების შედეგების განხილვასა და შეჯამებაში;

ზ) მონაწილეობა მიიღოს დასკვნის პროექტისა და საბოლოო დასკვნის მომზადებაში;

თ) მონაწილეობა მიიღოს შესაბამისი საკითხის განხილვაში აკრედიტაციის საბჭოს სხდომაზე, მათ შორის, ელექტრონული კომუნიკაციის საშუალებით, რაც აისახება სხდომის ოქმში. ელექტრონული კომუნიკაციის საშუალებით აკრედიტაციის საბჭოს სხდომაზე მონაწილეობა ექსპერტს (გარდა საერთაშორისო ექსპერტისა) შეუძლია მხოლოდ იმ შემთხვევაში, თუ იგი აღნიშნულის შესახებ წერილობით ან ცენტრის ოფიციალური ელექტრონული ფოსტის - info@eqe.ge მეშვეობით შეატყობინებს ცენტრს შესაბამისი საბჭოს სხდომის ჩატარებამდე არანაკლებ ორი სამუშაო დღით ადრე.

6. კონკურსის ეტაპებად განისაზღვროს:

6.1. კონკურსის გამოცხადება საჯარო სამსახურის ბიუროს მიერ ადმინისტრირებულ ვებგვერდზე - hr.gov.ge - 2021 წლის 13 სექტემბრიდან 2021 წლის 11 ოქტომბრის ჩათვლით.

ა) კონკურსანტმა, საჯარო სამსახურის ბიუროს მიერ ადმინისტრირებულ ვებგვერდის გამოყენებით უნდა წარადგინოს განაცხადი, რომელსაც უნდა დაერთოს კვალიფიკაციის/განათლების დამადასტურებელი დოკუმენტ(ებ)ი, ავტობიოგრაფია (CV), რომელშიც მითითებული იქნება საკონტაქტო ინფორმაცია და კანდიდატის აკადემიური და სამეცნიერო მიღწევები დარგობრივ სფეროში;

ბ) ატვირთოს სამოტივაციო წერილი;

გ) მიუთითოს 2 რეკომენდატორის ვინაობა (სახელი, გვარი, სამუშაო ადგილი, ელექტრონული ფოსტის მისამართი და ტელეფონის ნომერი);

6.2. კანდიდატების მიერ წარმოდგენილი დოკუმენტაციის შესწავლა, გადარჩევა საკვალიფიკაციო მოთხოვნების გათვალისწინებით - 2021 წლის 12 ოქტომბრიდან - 25 ოქტომბრამდე;

6.3. ტრენინგების ჩატარება, რომელიც ითვალისწინებს ტრენინგმოდულებისა და მასალის მომზადებას. ტრენინგმოდულები უნდა ითვალისწინებდეს აკრედიტაციის პროცესის ფარგლებში ბოლონის პროცესის ევროპული ჩარჩო დოკუმენტების/სარეკომენდაციო სახელმძღვანელოების მიმოხილვას, აკრედიტაციის სტანდარტების და შეფასების პროცედურების თავისებურებების ანალიზური ხასიათის მიმოხილვას, აკრედიტაციის პროცესთან დაკავშირებული საკანონმდებლო რეგულაციების გაცნობას, ასევე, ცენტრის შიდა სამართლებრივი აქტების მიმოხილვას, რომელიც უკავშირდება ექსპერტთა საქმიანობას და ეთიკურ საკითხებს.

6.4. კანდიდატთა ტესტირება, რომელიც გულისხმობს: ტესტირების საკითხების მომზადებას, ტესტირების ჩატარებას, ტესტირების შედეგების გაცნობას;

- 6.5. გასაუბრებაზე დაიშვება ის კანდიდატი, რომელიც წერითი დავალების ეტაპზე მიიღებს წერითი დავალებისთვის განკუთვნილი მაქსიმალური ქულის არანაკლებ 60%-ს.
- 6.5.1. გასაუბრების ეტაპზე საკონკურსო კომისიის მიერ შეფასდება როგორც დარგობრივი ცოდნა, ასევე, ამ ბრძანების მე-4 მუხლის 4.4. ქვეპუნქტით განსაზღვრული სამართლებრივი აქტების ცოდნა, მათი გამოყენების ანალიტიკური უნარები, აგრეთვე ამავე მუხლის 4.6. პუნქტში მითითებული უნარები;
- 6.5.2. კონკურსის შედეგების ინდივიდუალურად გაცნობა - არაუგვიანეს 2022 წლის 24 იანვრისა.
- 6.5.3. საკონკურსო კომისიის ოქმის საფუძველზე ცენტრის დირექტორის ინდივიდუალური ადმინისტრაციულ-სამართლებრივი აქტით შერჩეულ კანდიდატთა შეყვანა ექსპერტთა კორპუსში.
7. კანდიდატი ვალდებულია განაცხადში (www.hr.gov.ge) დამატებითი ინფორმაციის ველში მითითებული ბმულის მეშვეობით - <https://form.jotform.com/212491220723446> - მიუთითოს ის სწავლის სფერო/სფეროები, რომლის/რომელთა კვალიფიკაციის პროგრამის შესაფასებლად მას გააჩნია შესაბამისი კომპეტენცია.
8. კანდიდატი უფლებამოსილია ერთი დეტალური სფეროს ან ჰუმანიტარული მეცნიერებების სხვადასხვა დეტალური სფეროს ქვეშ მონიშნოს რამდენიმე სწავლის სფერო;
9. ტრენინგი, ტესტირება და კანდიდატის გასაუბრება განხორციელდეს დისტანციურად, კომუნიკაციების თანამედროვე ელექტრონული საშუალებების გამოყენებით;
10. ტესტირებასა ან გასაუბრებაზე კანდიდატის არასაპატიო მიზეზით მონაწილეობის არ მიღება, წარმოადგენს კანდიდატის კონკურსიდან მოხსნის საფუძველს;
11. დაევალოს ცენტრის უმაღლესი განათლების ხარისხის უზრუნველყოფის სამსახურს სატრენინგო მოდულისა და ტრენინგის მასალების შემუშავება, ტრენინგების ჩატარება, წერითი დავალებისა და შეფასების კრიტერიუმების შემუშავება, კანდიდატთა ტესტირებისათვის შესაბამისი ელექტრონული პლატფორმის შერჩევა და კონკურსანტთა ნაშრომების შეფასება;
12. ცენტრის ადამიანური რესურსების მართვის და საქმისწარმოების სამსახურს დაევალოს:
- ა) კონკურსის გამოცხადება საჯარო სამსახურის ბიუროს მიერ ადმინისტრირებულ ვებგვერდზე - www.hr.gov.ge;
 - ბ) შემოსული განაცხადების გადარჩევა (საკვალიფიკაციო მოთხოვნებთან კანდიდატის განცხადის შესაბამისობის დადგენა);
 - გ) ამ ბრძანების დაინტერესებული პირებისათვის კანონმდებლობით დადგენილი წესით გაცნობა.
13. დაევალოს ცენტრის საზოგადოებასთან ურთიერთობის და საორგანიზაციო სამმართველოს ამ ბრძანების ცენტრის ოფიციალურ ვებგვერდზე - www.eqe.ge - გამოქვეყნების უზრუნველყოფა;
14. კონკურსის შედეგების გასაჩივრება შესაძლებელია ცენტრის დირექტორის ინდივიდუალური სამართლებრივი აქტით შედგენილ სააპელაციო კომისიაში;
15. ბრძანება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ კოლეგიაში (მის.: ქ. თბილისი, დავით აღმაშენებლის ხეივანი, №64) კანონმდებლობით დადგენილ ვადაში და წესით.

სსიპ-განათლების ხარისხის განვითარების ეროვნული
ცენტრი
დირექტორი
მახარაშვილი თამარ

